

TEKS UCAPAN PERASMIAN

YANG BERBAHAGIA

PROF. DATUK DR. HAJAH ROZIAH MOHD JANOR

NAIB CANSOLOR

UNIVERSITI TEKNOLOGI MARA

SEMPENA

MAJLIS PENYERAHAN DAGING KORBAN

ACIS YBIM PERINGKAT UiTM 2023

24 JULAI 2023 | ISNIN | 10 PAGI

ARAS 7, CANSELERI TUANKU SYED SIRAJUDDIN,

UiTM SHAH ALAM

بِسْمِ اللَّهِ الرَّحْمَنِ الرَّحِيمِ

- **Yang Berbahagia Dato' Sr. Hj. Rosli Atan**
Pengasas & Pengerusi Yayasan Budi Ihsan Malaysia
- **Yang Berbahagia Profesor Dr. Hj Mohd Sazili Shahibi**
Timbalan Naib Canselor Hal Ehwal Pelajar UiTM
- **Yang Berbahagia Profesor Dr. Mohamad Hariri Hj. Abdullah**
Timbalan Naib Canselor Jaringan Industri, Komuniti dan Alumni UiTM
- **Yang Berusaha Profesor Madya Dr. Mohd Afandi Mat Rani**
Dekan Akademi Pengajian Islam Kontemporari
- **Yang Berusaha Profesor Madya Dr. Mohd Ashrof Zaki Bin Yaakob**
Pengarah Bahagian Zakat, Sedekah Dan Wakaf (Zawaf)
- **Wakil- Wakil Yayasan Budi Ihsan Malaysia,**
- **Barisan Pensyarah ACIS UiTM,**
- **Tuan-Tuan dan Puan-Puan serta Para Pelajar Yang Dikasihi Sekalian,**

[Salutasi- kemas kini berdasarkan kehadiran]

**Assalamualaikum warahmatullahi wabarakatuh,
Selamat sejahtera, Salam UiTM di Hatiku dan Salam
Malaysia MADANI.**

1. Alhamdulillah, syukur kita ke hadrat Allah SWT kerana dengan limpah kurnia dan keizinan-Nya, dapat kita sama-sama berkumpul pada hari ini, bersempena **Majlis Penyerahan Daging Korban ACIS YBIM Peringkat UiTM 2023.**

2. Terlebih dahulu, saya merakamkan setinggi penghargaan dan tahniah kepada pihak jawatankuasa Akademi Pengajian Islam Kontemporari (ACIS), UiTM dan pihak Yayasan Budi Ihsan Malaysia (YBIM) atas kolaborasi kali kedua pada tahun ini bagi menjayakan program Kembara Korban 1001 Asnaf ACIS-YBIM 2023.

3. Untuk makluman, kerjasama ini telah pun bermula pada tahun 2022. Kejayaan pelaksanaan program hasil kerjasama ini telah memberikan impak yang sangat baik dengan memberikan manfaat kepada lebih ramai asnaf.

Hadirin sekalian,

4. Ibadat korban merupakan amalan yang sangat dituntut dalam Islam. Bagi mereka yang berkemampuan dan menepati syarat korban, ibadah ini dilihat sebagai salah satu cara untuk mendekati diri kepada Allah SWT. Mengambil ibrah daripada sirah Nabi Ibrahim alaihissalam, ibadah korban juga dilihat sebagai tanda menzahirkan kesyukuran terhadap-Nya.

5. YBIM sebagai pemegang rekod pengagihan daging korban terbesar di Malaysia, dan penganjur ibadah korban pertama yang mendapat pengiktirafan ISO 9001:2015, sudah pasti mempunyai pengalaman yang luas dan bersistematik dalam menguruskan ibadah korban di Malaysia dan di peringkat antarabangsa.

6. Sehubungan dengan itu, warga UiTM amat bertuah memperoleh manfaat daripada kerjasama bersama YBIM. Sejumlah **2,355** pek agihan daging korban bernilai **RM117,750** akan diagihkan kepada UiTM Shah Alam, UiTM Cawangan Kelantan (Kampus Machang), UiTM Cawangan Terengganu (Kampus Dungun) dan UiTM Cawangan Pahang (Kampus Jengka).

7. Alhamdulillah, syukur ke hadrat Allah SWT dan terima kasih kepada semua peserta Kembara Korban 1001 Asnaf ACIS-YBIM, yang membawa kepada manfaat agihan daging korban bukan sahaja kepada staf UiTM, malah kepada masyarakat orang asli dan keluarga yang tercabar.

8. Program ini juga mendokong aspirasi dan peranan UiTM di peringkat antarabangsa yang mana, manfaatnya dipanjangkan kepada penerima di **Chad, Nigeria** dan **Tanzania**, sejajar dengan matlamat dan aspirasi Tanggungjawab Sosial UiTM dan Agenda Pembangunan Mampan 2030.

Hadirin sekalian,

9. Semoga kerjasama murni UiTM dan YBIM akan dapat kita teruskan dan mendapat keredhaan daripada Allah SWT. Diharap lebih banyak program yang dapat memberi manfaat kepada warga UiTM khususnya, dan masyarakat amnya dapat kita laksanakan.

10. Terima kasih dan tahniah sekali lagi kepada semua yang terlibat dalam menjayakan program ini.

11. Dengan lafaz Bismillahhirahmanirahim, saya dengan ini merasmikan **MAJLIS PENYERAHAN DAGING KORBAN ACIS-YBIM PERINGKAT UiTM 2023.**

Sekian.

Wabillahi Taufik Walhidayah

Wassalamualaikum warahmatullahi Wabarakatuh.